

Aldiënza dla defensuria popolar a San Martin en vëndres, ai 10 de merz, tl salf di stödafech dales 14.00 - 17.00; ma sön prenotaziun 0471 946 020.

PLOANIES SAN MARTIN Y LUNGIARÜ

„Ai 18 de merz 2023 inviëia le Seminar da Porsenü jogh da 16 agn insö da passé n de tl seminar por imparé da conësce la vita de seminar y le tru de stüde de teologia. An pó se prenoté cina ai 11 de merz pro le regens Markus Moling: regens@priesterseminar.it o por telefon 0472 271100. L'informaziun vëgn ince tacada sö söla tofla dan dljia.

Invit ala preparaziun dl Bato, en sabeda, ai 11 de merz, dales 15.00 ales 17.00, tla ciasa J.B.Rungger a Badia. Prenotaziuns 334 32 00 396.

Devoziuns y oraziuns ladines por funziuns de Carsëma te dljia y a ciasa sot a: <https://unitepastorala.org/comunite/ploanies/material-download/zelebrazions-liturgiches/devoziuns-comunitares.html>

SAN MARTIN

Ince por l'ann 2023 Ves periunse indö da paié ite cina ala fin de merz le contribut por la cöra de 40,00 euro por vigni porsona che á complí 18 agn (tuc fora studënc y studëntes) söl cunt dla cöra IBAN: IT11J 08010 58830 000304004922. Le decunt dl'ann 2022 gnarà parti fora ales families ti proscimi dis. A inom dl consëi d'aministrazion Ves dijunse dër bel dilan.

Informaziun por les porsones cun celiachia:

Pro les mësses prefesties, dles domënies y dles festes pó les porsones cun celiachia se tó instësses la ostia zënza glutin fora de n caresc che n sorvidü tëgn tla man y che stá dlungia le ploan tratan ch'al vëgn partí fora la Comuniun.

Dër bel dilan dles ofertes che é gnüdes dades por la ploania da San Martin en memoria dla defunta Teresa Pedevilla Flöss dala fiocia Maria Trebo; da fam. Leo y Monica Crepaz; da fam. Lena Trebo y Alberto Gentile; dala so Oliva Pedevilla, da fam. Pio Trebo y Grete; da fam. Maria y Linert Irsara, da Pia Pedevilla, anonim y ss. mësses dala fiocia Maria y Paul.

LUNGIARÜ

L'atra jöbia, ai 16 de merz, organisëia la Uniun di Èi da Lungiarü en onur dla festa de Sant Ojöp n referat cun siur Tone Fiung "I valurs dla familia" tl salf dl paisc da Lungiarü dales 19.30. Düc é dër bel invia.

Iscriziuns ala Scora de musiga por l'ann 2023/24 - ciarede tl'ultima plata.

La Ciasa de Palsa da San Martin de Tor mët da jí n concurs publich por mobilité por deplü posc sciöche infermier/a profesional/a. Informaziuns plü menüdes sön www.ciasadepalsa.it o tel. 0474/524786.

An pó se prenoté por telefon 0474 646 030 por le teater "Meses verités" che vëgn fat a San Martin tl gran salf ai 17 (vëndres), 18 (sabeda), 22 (mercuri), 25 (sabeda) de merz dales 20.00 y ai 26 (domënia) de merz dales 15.00. Le prisc é de 12 euro y de 8 euro por mituns cina a 10 agn.



unitepastorala.org

Plata dles Ploanies San Martin y Lungiarü



ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

05.03. - 12.03.23 n. 15

ultimo termo por comunicaziuns: jöbia, dales 20.00

2ª DOMËNIA DE CARSËMA - A

Vangele do Matí 17,1-9

Gejü â tut Pire, Iaco y so frè Jan da na pert y i à condüt sön na munt alta. Y al é gnü trasfiguré dan sü edli; so müs lominâ sciöche sorëdl y sü guanç é gnüs blanc adorbenç sciöche la nëi. Te n iade é aparì Mosè y Elia dan da d'ëi y ai baiâ cun Gejü. Dailò ti à Pire dit: Al é bun ch'i sun chilò. Sce t'ôs, fajarai sö chilò trëi üttes, öna por tè, öna por Mosè y öna por Elia. Ciamò tratan ch'al baiâ, él stè n nio lominus che i à curì cun süa ambria. Y fora dl nio à scraie na usc: Chësc é mi Fi bunorü, te chël ch'i à ciafè plajëi; ascutédele! Canche i discepui â aldì chësc, ài ciafè na gran tëma y s' à petè col müs ia por tera. Dailò ti é Gejü jü pomez, i à pié ite y ti à dit: Lovede sö y ne ede nia tëma! Canch'ai â ciarè sö, n'odöi plü degügn, ater co Gejü. Tratan ch'ai jô jö dla munt, i à Gejü comanè: Ne stede a ti cuntè a degügn ci ch'i ëis odü cina che le Fi dl Om ne n' é ressorì dai morc.



*Le lominus y le bel de chësta storia döra ma intant y se röia tl dolor.
Sön chësta bela esperiënza lominosa toma bele l'ambria dla mort.
De chësc sá ma Gejü, deperpo che i discepui oress sté dailò.*

*Ai vëgn cherdá indö tla realté dla vita. "Lovede sö y n'ede nia tëma!"
Pormó do la ressureziun de Gejü capësci bel plan ci che é sozedü söla munt.
Le lominus sön la munt, le lominus de Dî Pere, dess lominé ite te nosta vita.
Al ti tol cinamai la scuritè ala mort, por dagnora, ince a nosta mort. image*

EDEMA	SAN MARTIN	LUNGIARÛ	En cört dala lëtra de Carsëma dl Vësko Nosta manira da vire ti fej dër mal ala tera y al clima. Nia döt ne mëss tres crësce, deache les ressurses é limitades. Porchël messunse renunzié. Sc'i renunziun, minunse da perde val'. Mo la Carsëma nes insëgna: Renunzié n'é nia deblëza, mo fermëza y davagn. Renunzié n'é nia negaziun, mo sostëgn dla vita. A ci dessun pa renunzié? Ala vëia da baié dl stlet y dl mal. - Al é bëgn dërt da se lascé sò cuntra le stlet y le mal che sozed, mo i orun coscientamënter ince odëi le bëgn, nen baié y le cunté inant. A ci dessun pa renunzié? Da orëi avëi y ghiré tres deplü. - Vire cun mosöra y cun reconescënza nes fej sté saurí cun nos instësc, cun la jënt y cun Idî. Le dilan nes dëida da mantigní de bugn raporç. A ci dessun pa renunzié? Da fá fora de döt n "evënt" - I se temun dan dala normalité tla vita, dal scëmpl, dal chît. Ince tla dlíjia festejunse ion evënc impede odëi la fede sciöche n tru. Carsëma ó nes daidé da aprijé les cosses normales tla vita da vigni de. A ci dessun pa renunzié? Ala violënza tl ponsé, tl baié y tl fá. - Gejú é raité te Ierusalem sön n müsc, che ê n sëgn de pesc y de impotënza. Defrunt ales veres periunse do la converjiun de chi che ó y mëna les veres. Signur, fá ince fora de nos stromënc de pesc y scínchesse pinsiers, parores y sëgns de reconziliaziun. A ci ne dessun pa nia renunzié? Ala speranza che Pasca nes scinca. - Cristians é portadus de speranza y de löm te n monn plëgn de desdruziun y testimoni de compasciun y de amur. Gejú, cruzifijé y ressorí, é la rajun de nosta speranza
05.03.23 SECUNDA DOMËNIA DE CARSËMA - A	9.00 Corona por Vocaziuns 9.30 Liturgia dla Parora	9.30 Les Staziuns 10.00 Gran Mëssa por la comunité 3ª de sopolt + Monica Mischi Daporta dl ann + Angela Costa dl ann Johann Schanung do intenziun de siur Heinrich Videsott	
06.03.23 <i>Fridolin, Coleta</i> Lönesc			
07.03.23 Dedolönesc <i>Perpetua y Felizita, Reinhard</i>	19.00 Mëssa families de Gottfried Miribung + + families Prousch Perathoner + Pasquale Schuen por les püres Animes dl purgatore		
08.03.23 <i>Jan de Dî, Michil</i> Dedemesaledema	18.00 Les Staziuns		
09.03.23 <i>Bruno, Domenico</i> <i>Savio</i> Jöbia	<i>degöna mëssa</i>	19.00 Mëssa dl ann + Serafin Clara + Marino Clara, Ties + Frieda Clara Huber + Ida Nagler	
10.03.23 <i>Gustav, Maria Eugenia</i> Vëndres	18.30 Adoraziun chîta 19.00 Adoraziun deboriada	17.30 Staziuns cun i mituns	
11.03.23 <i>Rosina, Costantin</i> Sabeda	<i>degöna mëssa</i>	19.30 Mëssa priefestia families de Angel Sorà dl ann + Guido Clara + + Giovanni y Herta Clara + + dla fam. de Martin Clara	
12.03.23 TERZA DOMËNIA DE CARSËMA - A	9.00 Corona/ Les Staziuns 9.30 Gran Mëssa fam. Bino Verginer Teresa Pedevilla Flöss (dla Uniun) dl ann + Tone Unterweger dl ann + Angelina Tolpei dl ann + Teresa Ferdigg dl ann + Otto Erlacher + Giovanni Ferdigg (dl ann) 11.30 Bato de Pia Bioc	7.50 Les Staziuns ciantades dal Cor 8.15 Gran Mëssa por la comunité o Liturgia dla Parora	